



14

SANCTISSIMO DOMINO NOSTRO
CLEMENTI PAPÆ XI.

GRANATENSE REGALE COLLEGIVM
Sanctæ Crucis Fidei

CONSTANTEM, HVMILLIMAMQVE
testatur obedientiam.



ACTATAM diù, (Beatissime Pa-
ter : Cœli Janitor: Orthodoxo-
rum Arbiter: Et portum Ecclesiæ
Triumphantis Clave recludēs, &
Militantis Ecclesiæ navem clavo
gubernans; Consonum, & indefi-
ciens Divinæ articulationis orga-
num : Supreme Catholicorum
omnium, & Præsul, & Parens, cui
Sanctus Spiritus vnam, & sanctam, Vniversalem, veluti
sponsam, copulavit Ecclesiam; vt, (secundum Aposto-
lum, vnius vxoris, & Vir extitisses, & Caput:) Agitatam,
ergo, ebullientibus turbidorum Dogmatum procellis,
quassari, penèquè mergi veræ Doctrinæ cymbam in spa-
tioso Galliarum pelago, aliquot ab hinc annis, Catholi-
corum cœtus, non sine mœrore, recordantur : Infir-
mitati compatientes, vrebantur scandalo, sed tempesta-
tem abortam, haud quasi aliquod novum, demirantes;
siquidem Regionem illam, vti feracissimam Incolarū,
ita simultatibus obnoxiam vsquè fuisse, minimè ambi-
gebant; contentionibus eam noverant exuberantem,
pariter ac indigenis; qui quidem, tam quod opinionibus
disideant, quam Natali solo conveniunt, quasi more
ingenito, compelli patiuntur: ita vt in dissimilem natu-
ram eorum inveterata consuetudo coaluisse censeatur;
quan

quandoquidem ea usque ad profitenda Religionis disputationes progreditur, quas cum ipsi facile sibi, & noviter proponant, contumaciterque defendant, non eas certis, propatulisque thesibus concludi permittunt; sed sinuosis, ambiguisque controversiis patefieri nituntur; ut nemo inficietur, eiusmodi ingenia solummodo discordia convenire, & in motu duntaxat consistentiam habere.

Hinc est, quod Janсенianæ scholæ semen, & eius in aperto Galliarum campo ingens propago, sic altas radices agere, diffusosque ramos tendere, à proximè elapso sæculo, usque nunc, potuisse videatur; cuius proceritatem per Christianissimi, nunquamque satis laudati, Regis Ludovici XIV. zelum invigilans, & si non frangi, aut succidi, saltem coerceri, aridamque reddi, vel ipsius Regis Hostes non ignorasse fatentur.

Sed cum Regiæ potestatis in Provincia, leges circa internos animi sensus non, nisi incassum, ferri queant; decisionesque in disputationibus, regulas fidei attingentibus, incapacitatem temporalis Principatus effugiant, Regi deficiebant vires, ut Sæculari, licet potenti, brachio, aut secaret, aut evelleret arborem sic expansam, diùque radicantem: vnde cum seditiosam insolentiam (Hæreticorum mores redolentem) solum cohibuisse, & si non penitus, consequeretur, expetitique essent à Satana Prælati, alijque Doctores, cribratique sicut triticum, delatam disputationem Sanctæ Sedi, (cui in Persona Petri, Æternum Patrem D.N. Jesu-Christo rogante, promissa fides indeficiens cōstanter creditur) Catholicus Orbis resolvendā expectavit, & iudicio Sanctitatis Tuæ obstringens fidem, se solo auditu, obedientia, & confessione adscripsit responsurū: in cuius (sic operosæ) causæ progressu, & decisione, Sanctitatem Tuam, benignitate Apostolica vrentem, protraxisse iudicium, dilulisse sententiam, continuasse Oraculum, aliquandiūque moratam fuisse, pro comperto habetur; patienter enim ferens, cunctabatur, & sperabat arborem, usquedum infructiferam, beneficio dilati temporis utilem reddituram; sed ubi transactis pluribus annis, non solum sterilem, verum exitiosam fore cognovit, ne terram occu-

occuparet, vna; & iterata percussione succidendam decrevit; continuòquè per vnam Constitutionem, deinde per alteram, quæ incipit *Vnigenitus Dei Filius* deicere non retardavit.

Debuerant enim damnatæ Scholæ Doctores, qui antehac liberè sentiebant, liberiusquè disputabant, istu formidabili bis percussi, desinere velle conformari huic sæculo, sed reformati in novitate sensus, asserere Sanctitatis Tux Constitutionem esse voluntatem Dei bonam, & beneplacentem, & perfectam: Debuerant utique; sed minimè peregerunt; quinimò (Etnicorum fabulis, exemplo suo veritatem astruentes) alia, & plura capita extollere, colla erigere, liberrimè sibilare, novos errores adoriri, anterioribus niti, erumpentes serpentine, tortuosi, crispatique surculi (generatio perversa, & infideles filij) non destiterunt.

Obstupuit Catholicorum circulus, indoluitquè Gallicanam Ecclesiam, tantis retroactis sæculis Sanctorum, & propriorum Patrum scriptis præmunitam, Vniuersitatemquè Sorbonicam, tot Summorum Pontificum Diplomatum decoratam; ita primam haud benè sibi consulere, secundam quoquè non melius beneficia Pontifici Summo rependere, ut ambæ intra corpus suum patienter, & palam eos continere nō recusarent, qui malè, & impudenter de Sanctitatis Tux decretis, ad fidei Dogmata pertinentibus, sentire non verebantur; quin per notitiam punitionis deveniretur in cognitionem delicti, ac de sceleratorum combustionem, prius quam de contumacia, sparsi cineres restarentur.

In hoc ergo (præter alia multa) Beatissime Pater, præfati Doctores cum omnium Hæreticorum effronti turba coire, non erubescunt, quod infallibili veritati, per os tuum fidelibus populis à JESU-CHRISTO Domino Nostro patefactæ, derogare (licet innaniter) præsumunt, & contra Sedis Apostolicæ auctoritatem tumultuari petulantè non reformidant: In Ecclesiæ Vniuersalis corpore demortua visibilia membra se haberi fatentur, cum sponte sua communione capitis visibilis avelluntur: Horrendum certè monstrum, & quod in serpentibus Natura portendit; ut membra capite pro-

cū moueri videantur! Omnes igitur Fideles *Vniuersa-*
lis, & visibilis Ecclesiæ gremio suscepti, in vno corpo-
 re multa membra sumus, qui, & si non eundem actum
 habeamus, in eo tamen convenimus, quod quisque me-
 minerit cuius corporis, & cuius capitis sit membrum:
 Nihil enim sic fatuum, quam cum Ecclesiæ visibilibus
 membris compaginosos se credere, & communem ipso-
 rum membrorum æconomiam refragari: si nos membra
 visibilia intuemur, & fatemur, cur capiti visibili subiec-
 ta diffiteamur? Quid absurdius magisque inuersum quā
 quod membra caput dirigere præsumant, cum à capite
 (vt potè solio mentis) derivatas directionis leges mem-
 bra recipiant? Sanè quidem corpus Catholice Ecclesiæ,
 eiusmodi Doctorum revulsione turbatum, posset cum
 Apostolo queri, videns in membris (quæ sua conserva-
 ri desiderat) aliam legem repugnantem legi mentis sue.
 Fidelium Populi, qui fuerant virtute Dei custoditi
 per fidem in salutem paratam revelari, divulgatum in-
 dicem, præfataquè constitutione *Vnigenitus* insertum, per
 legerunt, ac inflatarum propositionum seriẽm memo-
 riæ mandare invigilarunt; non quod in Doctrinæ sco-
 pulos, eius latebras frequentando, corruerent; sed quod
 semper, præsentē charta, latentes errorum Sirtes fugien-
 do vitarent; aut quod iniustionis causam refragantèr
 discuterent, sed quod damnationis merito concorditèr
 assentirent; cum nefas duxerint, ea controvertere, de
 quibus prohibitum est dubitare; nec alicui liceat, in San-
 ctitatis Tuæ circa Religionem decissionibus, rationem
 hæsitando disquirere; sed infallibilem authoritatem de-
 cidentis profitendo venerari.

Cum equidem Hispanis (vt & cæteris verè Catho-
 licis) liquerit, neminem posse Sanctitatis Tuæ decissi-
 oni vigorem ministerio verbi adijcere, nec suspensione
 taciturnitatis auferre; importunumquè fore adhibere
 approbationis suffragium, vbi duntaxat permissum
 est respondere conformationis obsequio; tacuimus,
 Pontificium Oraculum vltro reuerētes, & si audiremus
 Gallicanam eiusdem Decreti refragationem: Tacuimus;
 sed vā nobis, quia tacendo ansam præbere visi sumus,
 vt illusi præfati Doctores inducantur machinari, His-
 pa-

paniæ silentium non esse Sanctitatis Tuæ constitutioni obedire, sed eorum inobedientiæ adhærere.

Hinc enim ortum habere censetur, quod per Hollandiæ publicas vagantes litteras, typis excussas, (quibus nullum interclusum est iter, nullaquæ non peragratæ Regio) divulgatum sit, Gallicanæ Ecclesiæ quosdam (impios) Doctores asserere, Hispaniæ Prælatos, Capitula, & litterarum Universitates, contra Sanctitatis Tuæ decreta Rebellibus consensu, & opinione favere: Execrabile prorsus, perfricatæquæ frontis mendacium! Cû Hispania, vtpotè inter Gentes Apostolicæ Sedis Primogenita, gloriatur, exolam vsquæ habuisse malignantium Ecclesiam, & cum impijs nunquam iustinuisse confesum.

At verò, Beatissime Pater, in eo imposturæ convictio argumentum non contemnendæ laudis involvitur; cum ipsi Doctores suppositionibus fictis hallucinentur, vt Hispanorum exemplo (licet falsè appposito) proprios errores tueantur; & ostendant se ritè sentire, si probent, ex Hispanorum placitis sentiendi normam mutuari; consequenterquæ bene disposita arguendi methodo sic procedunt: Hispani Constitutionem *Vnigenitus* non admittunt; igitur Galli eam admittere non tenentur: Ac si dicerent: Hispani, apud quos despectui summa rerum habetur, si cum vel parvo Religionis discrimine comparatur: Hispani, quibus est pro natura, erga Sedem Apostolicam reverentia: Hispani, qui prius parientur non existere, quam inobedientes Pontifici Romano existimari: Rursus: Hispani, qui alienorum elogijs vndiquæ commendantur; & (vt oportet) bonum testimonium ab his qui foris sunt habere noscuntur: Hispani, quorum gravitas (vt Laurentius Beierline Germanus observat) ægrè à semel accepta, tam infidei negotio, quam alijs in rebus resolutione, se avelli permittunt: Hispani, de quibus Anglus Eduardus Vesthonus diffusam narrationem solvit, eorum erga Ecclesiam merita extollens, & sic scribens: Denique quantum in litteris, simul ac pietate valeant hodierna die, demonstrant libri, probant imperia, orbis terrarum testatur, Ecclesia benemerentibus filijs applaudendo significat: Hispani, in quorū Provincijs (vt asserit Italus Car-

di-

6
dinalis Baronius) Hoc planè sibi laudis vendicavit Ecclesia Catholica, ut non ab erroribus tantum, sed à suspicionibus esse voluerit suos immunes : Hispani, quibus Philippus V. dominatur, nulli prædecessorum Religione, & Pietate secundus, ut sibi, & suis ipse sufficeret ad vendicandum Catholici cognomentum, quo titulo (ait Gallus Henricus Spondanus) Reges Hispanorum facti sunt digni, quod non solum iurent se fore Catholicos, sed neque passuros quemquam non Catholicum in amplissimo suo Regno permanere: Hispani deniq, de quibus neminem latere credidit Summus Pontifex Gregorius VII. eorum Regnum ab antiquo proprii iuris Sancti Petri fuisse: Hispani itaque (Calumniatores arguunt) Pontificiæ Constitutioni obtemperare recusant ; Innoxius ergo Galli eam resistere nituntur: Si in florenti, & viridi Religionis ligno hæc impunè fiunt, cur in altero forsàn arido, & marcescenti eadem fieri prohibeantur?

Si oporteret gloriari, in quo plus nobis gloriantum fore patebit, quam in eo, quod ipsa detractorum iniuria Hispaniæ laudem prætulere? At pro huiusmodi gloriari non expedit; quia nullo honore rependitur, puniendum crimen, quod nobis irrogatur; & maximè cum, quoties de noxa procedit elogium, velle laudari sit augere delictum.

Hac iustissima occasione provocati Hispanorum Episcopi, Capitula, Universitates, Collegia, ceteræque plusquam communes Repræsentationes, porrigentes de impostura querelam, humillimam erga Sanctam Sedem, resignatamquè obedientiam sunt testati, pro qua non deferenda mortem subituri creduntur; & benè quidem singuli; nam cum inobedientes, seductores, & vaniloqui doceant, quæ non oportet, & in Domo sua Ecclesiam verè Catholicam, præcissam, & independentem à Capite Universalis Ecclesiæ stabilire contendant; ac incipientes ab Hispania, universas Domos subvertere tentent; quasi in singulis quibusque membris integrum, expeditumquè corpus subsistere possit, oportet utique illos redargui à contrario exemplo; nimirum cum distincta membra singulatim Ecclesiæ Capiti se subiciunt, & ab illo ritè separari posse minimè consentiant; nec usquam se permittunt infamari resecta, ut manifestent semper ei fuisse conjuncta. In-

Inter quæ, hoc nostrum Regale Collegium, titulo *Sanctæ Crucis Fidei* Insignitum, & in hac Civitate Granatensi, Bœticæ Provinciæ Metropoli celeberrima, à Serenissimo Carolo V. Imperatore, Catholicoquè Hispaniarum Rege, semper Augusto, bino ab hinc sæculo, fundatum. (intra cuius muros, Granatensis Imperialis Vniversitas Litterarum, simul ab eodem Fundatore gloriatur erecta,) à triplici causa, nempe à principio, à medio, & à fine tuæ Institutionis, hanc erga Sanctitatem Tuam obedientiæ protestationem, sibi inter omnes alios peculiarem fore demonstrat: Prima ab Augustissimo Fundatore deducitur; nam cum Serenissimus Carolus V. Religionis Catholicæ fuerit infatigabilis propugnator; Apostolicæ Sedis, eiusquè Authoritatis acerrimus defensor, Hæreticorumquè omnium implacabilis insecutor, debet hæc eius adoptata, & successiva Posteritas sui Fundatoris, velut documenta, actiones imitari; & sicut hæreditate possidet, quidquid honoris à murice Purpuræ Regalis accepit, ita Religionis, & Pietatis imitationem suo Benefactori retribuere.

Secunda à cognomento vendicatur, quo nostrum Collegium singulari *Sanctæ Crucis Fidei* titulo decoratum dignoscitur, & cum idem sit Catholicam *Fidem* infringere, ac Apostolicæ Sedis reverentiam deserere, ad nos specialiter pertinet, contra decedentes à Sanctitatis Tuæ pedibus insurgere, & velut inimicos Crucis Christi disturbare.

Tertia denique in assequendo fine nostræ Institutionis elucet, quæ, ne Provincia falsæ professionis tyrannide maneret oppressa, à principio nobis veræ Doctrinæ Magisterium pro munere iniunxit; si enim finem in erectione huius nostri Collegij propositum exequi negligimus, falsò piam voluntatem nostri Fundatoris Augusti adimplere dicemur; nec rei antiquitus gestæ obliuio locum excusationi præbebit, cum obeundum nobis indelebile munus, ipsa perpetuò murorum saxa denuntient; siquidem in amplo huius magnificæ Domus, optimèquè elaborato frontispicio, incisis Litteris hæc verba leguntur: *Ad fugandas Infidelium tenebras, hæc Domus litteraria fundata est: Catholica professò, & generosa*

sa inscriptio! quæ, & cursus nobis metam designat; si infidelitatis umbras exterminasse consequimur; & jubet, nos accensa face stadium sanæ Doctrinæ percurrere; ac indutos arma lucis de Hoste caliginoso trophæa reportare; cumquæ proscriptio nullum Perfidiaæ cæcutientis errorem exciperet, cunctorum infidelium tenebras fugari præcepit.

Indè nos, Beatissime Pater, ad Sanctitatis Tuæ pedes provolvimur, eosquæ humillimè exosculantes, Catholicæ, & Apostolicæ Fidei protestationem itidè renouamus; ac instructi Patrum Nostrorum zelo, quos in Religionis exemplo hæreditare cupimus, pijs, Orthodoxisquæ eorum confessionibus inhæremus: Equidem in Nicæna prima Generali Synodo, vnus, & Hispanus Episcopus (quem vniverfa commendat Historia) Sancti Silvestri inibi delegatus, tantum veræ fidei professioni contribuit, vt (iuxta Divum Athanasium adductum à C. Baronio) *Symboli Nicæni formulam ipse conceperit*, quod postea in tertio Constantinopolitano Concilio adaucta expressione prolatû, & in Toletano tertio resumptû, caput Hispania, inter Occidentales Provincias, *prima in Missarum sollemnibus cunctorum Fidelium patula voce acclamare* vndè ad Galliam, itemquæ Germaniam eiusmodi pium, laudabilemquæ ritum pervenisse, ex Strabone refert Joannes Stephanus Durantus, natione Gallus.

In his Catholicæ Fidei confessionibus exempla nobis obtinendi Primatum Patres nostri reliquerunt, vt eorum vestigia sequi possimus; sic enim Sanctitatis Tuæ ab ipsius Hispanæ Nationis erga Apostolicam Sedem, & merito, & reverentia Magnitudini substerni, Authoritatî obsequi, Benignitati committi, Decissioni subiei, Voluntati obedire, Protectioniquæ commendari ardentè exoptamus, & fideliter profiteamur: A Finibus terræ ad Sanctitatem Tuam clamamus, vt dum anxietur cor nostrum, nos in Apostolicæ confessionis Petra solidatos, exaltare non dedignetur; protegendoquæ in Tabernaculo suo à contradictione linguarum, præcipitet, & dividat eas, vt cum muta fiant labia dolosa, obstructumquæ os loquentium iniqua, ipsi erubescant, & conturbentur, & confundantur, & pereant,
& cog-

9.

& cognoscant, quia in nomine Domini tu solus Altissimus in omni terra, constitus es Legislator super eos, ut sciant quoniam homines sunt.

Deus Optimus Maximus Sanctitati Tux, (quam Ecclesiæ suæ præesse, eiusdemquæ diligentiam habere voluit) fœlices, faustosquæ dies plurimorum annorum numero dispersitos largiatur, & post eos, ut nos omnes occurrentes in unitatem Fidei, & agnitionis filij Dei, secum ad Eternæ Beatitudinis portum transverxisse congaudeat; interimquæ ut, & Apostolicam Benedictionem nobis impartiri dignetur. Granatæ. In Regali Collegio Sanctæ Crucis Fidei. Die 22. Februarij. Anni 1718.

SANCTITATIS TVÆ

Humillimi, & addictissimi Servi.

*Ludovicus Sanchez
de Molina.*

Sac. Theolog. Lic. & Collegij Vice-Rect.

*Stephanus Murillo
& Velarde.*

Jur. Canon. Doct.

*Franciscus de Roxas
& Valençuela.*

Jur. Canon. Doct.

*Hyacinthus Aguado
& Chacòn.*

Jur. Canon. Doct.

*Martinus de Vilches
Garrido.*

Sac. Theolog. Lic.

An.

Andreas Rebollo
& Sande.

Sac. Theolog. Doct.

Joannes Rodriguez
Blanes.

Sac. Theolog. Bacch.

Antonius Chacon
& Coloma.

Sac. Theolog. Bacch.

Joannes de los Cobos
& Peinado.

Sac. Theolog. Lic.

Didacus de Contreras. *Hiscius de Salazar.*
Sac. Theolog. Lic. *& Quesada.*


Sac. Theolog. Bacch.

Josephus de Merida
& Morales.

Sac. Theolog. Lic.

Loco  Sigilli

& Secr. Colleg.



THE UNIVERSITY OF CHICAGO

PHYSICS DEPARTMENT

RECEIVED

1961

1961

1961

1961

1961

1961

1961

1961

1961

1961

1961

1961